


大日本國法華經驗記


下

和書門	
二五〇六	類
九一	函號
三二	冊架

內閣文庫	
二九〇六	和書類
九二	函冊
三〇	架

內閣文庫	
番號	和 22506
冊數	3 (3)
函號	192 464






大日本國法華經驗記卷下目錄

- 第八十一越後國神融法師
- 第八十二多武峰增賀上人
- 第八十三楞嚴院源信僧都
- 第八十四丹後國某關
- 第八十五佛師感世俗師
- 第八十六天王寺別當道命阿闍梨
- 第八十七信誓阿闍梨
- 第八十八持經者蓮昭俗師
- 第八十九越中國海蓮俗師

明治十三年購求



日本法華經驗記下目錄

善心苑

第九十加賀國尋寂法師
第九十一信濃國妙昭法師
第九十二持經者長圓法師
第九十三金峰山轉乘法師
第九十四美濃國沙彌藥延
第九十五筑前入道沙彌乘蓮
第九十六輕咲持經者沙彌
第九十七阿武大夫入道修覺
第九十八比丘尼舍利
第九十九比丘尼釋妙

第一百比丘尼願西
第一百一宮内卿高階良臣
第一百二左近中將源雅通
第一百三右近中將藤原義孝
第一百四越中前司藤仲遠
第一百五山城國相樂郡善根男
第一百六伊賀國報恩善男
第一百七犬隅掾紀某
第一百八美作國採鐵男
第一百九加賀國翁和尚

第百十肥後國官人某

第百十一伊與國越智益躬

第百十二奧州壬生良門

第百十三奧州鷹取男

第百十四播州赤穗盜人多々寸九

第百十五周坊國判官代

第百十六筑前國優婆塞

第百十七女弟子藤原氏

第百十八加賀前司兼隆朝臣女

第百十九女弟子紀氏

第百廿大日寺邊老女

第百廿一奈良京女

第百廿二筑前國盲女

第百廿三山城國久世郡女

第百廿四越中國立山女人

第百廿五信乃國蛇嶺

第百廿六越後國乙寺猿

第百廿七朱雀大路野干

第百廿八紀伊國美奈陪道祖神

第百廿九紀伊國牟婁郡女

日本書紀卷之四十一

三

日本法華經記下
卷下
三

第百廿六次 越後國 寺
第百廿七次 越後國 寺
第百廿八次 越後國 寺
第百廿九次 越後國 寺
第百三十次 越後國 寺
第百三十一次 越後國 寺
第百三十二次 越後國 寺
第百三十三次 越後國 寺
第百三十四次 越後國 寺
第百三十五次 越後國 寺
第百三十六次 越後國 寺
第百三十七次 越後國 寺
第百三十八次 越後國 寺
第百三十九次 越後國 寺
第百四十次 越後國 寺



大日本國法華經驗記卷下

首楞嚴院沙門鎮源 撰

第八十一 越後國神融法師

沙弥神融 俗云古志小大德 有レ多名レ不レ注レ之 越後國古志郡人矣。讀誦法華經深有薰修練行無比鬼神兼命國王遙歸依萬民近崇敬矣。其國中有國上山有一檀那發心作善造立密塔欲供養時雷電霹靂雷破壞塔各々分散摧折而去檀那懷歎悲泣無限。又改造塔更欲供養如前雷來摧破去如是破塔然兩三度願主檀那歎大願不果猶改造密塔求於空塔為雷不破壞。

日本法華經記下

神融上人語檀那曰莫生悲歎我我以妙法力守護
於窣堵令不破壞當成汝願即住塔本誦法華經爰
發鬘布雲細雨數降雷電晃耀願主而作是念雷破
塔相也悲歎憂愁神融上人立誓高聲誦法華時有
一童男從空下落見其形體頭髮蓬亂形只可怖年
十五六歲被縛五處流淚高聲起卧辛苦而自言持
經上人慈悲免我自今以後更不破壞時神融法師
問破壞因緣雷白聖言此山地主神與我有隙弊地
主語曰此塔在我頂仍無住處為我可破壞塔依地
神語度々破壞而妙法力不可思議能伏一切依之

頂一
作上

地主移去他厭我敬恐避由此當知施主願足聖人
誓言實神融聖人告雷神云汝隨佛法不作違逆發
起善心不破窣堵尤當利益汝但見此寺更無水便
遙下谷汲水荷登雷神此處可出泉水以為住僧便
汝若不出水我縛汝身雖送年月更不丟又汝此寺
東西南北四十里內更不可生雷電之聲時雷電神
跪敬兼聖人仰如命可出水又於山內四十里內更
不出雷聲況自來哉即掌中兼磁水一滴以指馭穿
窟上雷電大動飛上虛空即從窟穴忽出清泉涌走
其水大豐夏極冷息熱冬極溫制寒其後窣堵更不

破壞送教百年又於一切處雖雷電震鳴此國上山
東西南北四十餘里雷電聲不聞誠以希有甚後法
力矣諸僧集住興法利生神融上人依妙法力現施
法驗後證菩提神護景雲羊中入滅矣

第八十二多武峰增賀上人

增賀聖平安宮人也出胎之後不匝旬月父母有事
緣下坂東乘馬之上構似舉物令乳母抱子居之將
下爰父母乳母等從諸人前深曉出行時乳母抱兒
下居馬上眠熨小兒從馬丸落過數十町眠覺不知
兒所在驚悲申父母父母聞之舉音啼叫言為若干

乘牛馬人夫等蓋被踏致哉雖然為見火體還行尋
求之往數十町狹路泥中凹石上臥向天含笑遊臥
泥水不穢一分無疵父母諸人并乳母等抱取稱嘆
希有矣其夜夢見其泥石上有罽床布天衣而其上
居兒有天童立四角合掌云佛口所生子是故我守
護夢覺之後弥生希有之心深致愛重之思矣羊始
四歲取初言語向父母言我登比叡山讀法華經習
一乘道當繼聖跡作是語已復無所語父母大驚嬰
孩小兒何作是語鬼神託惱發是言狀大歡怖畏慈
母夢見抱是小兒令飲乳時小兒忽長大年三十餘

僧手執經卷傍有賢者語父母云勿驚宿因當作聖
人夢覺已後仰信年及十歲登北叡山作天台座主
慈惠大僧正弟子畢矣叮嚀讀誦法華大乘慇懃習
學顯密正教通達止觀解了一乘能問能答迦旃末
葉能悟能觀空生苗裔法華一部懺法三時每日不
闕顯密行法甚巨多矣賦出假利生背名聞利養遁
世隱居為其志耳冷泉先皇請為護持僧口唱狂言
身作狂事更以出去國母女院敬請為師於女房中
發禁忌廉言然又罷出如此背世方便甚多乃至去
睿山衆處賦花落尋多武峰閉跡籠居不煩油鉢不

許浮囊送多半序四季別修三七日懺法夢南嶽大
師天台大師等摩頂告言善哉佛子能勤修行諸佛
影向普賢來護夢覺彌發道心倍增修行世間所有
遠近要事或時異人來告或時夢中示之聖人隱居
之後更不出衆中向人不與語誠惜寸暇專修道後
限命終期十餘日已前兼知其時見世間作法若死
時至生大憂惱惜身命者也是聖人面色微笑喜悅
無限集諸大衆不審慇懃愚老僧賀年來所願早去
此界往生西方其事在今明尤所喜申即修講筵勤
修念佛又番論義談論儀義或興和歌吟讀別歌聖

自唱和歌其詞曰美豆和佐須也曾知何末里能於
伊能奈美久良計能保祢耳阿布曾宇礼志幾於死
期喜遊如貧人得如意審誠如如說梵行終成立聖
道已善修壽盡時歡喜猶如捨眾病如是種々與諸
大眾遊戲既畢令散大眾入於靜室坐於繩床誦法
華經手結金剛合掌即坐禪下居入滅年八十餘矣

第八十三楞嚴院源信僧都

源信僧都本是大和國葛木下郡人也父卜部正親
誠雖無道心性甚質直也母清原氏有極道心生一
男女母為求子參詣郡内靈驗高尾寺夢有住僧以

一玉與之云云即有懷妊生男端正即修承三齋戒
之間於彼高尾寺夢見堂中有藏其中有種々鏡或
大或小或明或暗爰有一僧取一暗鏡與之小兒陳
云此小暗鏡中何用乎欲得彼大明鏡僧答云彼非
汝分々々是也持至橫河可加磨瑩云々夢覺不知橫
河何處後有事緣攀登睿山大僧正慈惠大師待請
為弟子矣惠心僧都天性聰惠而又正直習學法門道心
堅固讀誦法華解了天台止觀之深義文々句々開通無尋也五
種法師功德具足天台止觀之四種三昧行法成就自宗他宗極
其玄底顯教密教深得其意佛法棟梁善根屋宅矣

迨壯年時背出假名聞山門深閉跡串戒律珠為身上莊嚴瑩觀惠鏡見心性三千靜誦法華敢無聞人後望極樂誰量所期矣製法華之一乘要決顯一切眾生皆成佛道之圓意方定性無性不成佛之偏執當此時而夢馬鳴龍樹摩頂隨喜傳教大師合掌而言我山佛法永附屬聖人撰合佛往主要集示極樂之指南施菩提之資糧其時夢告言觀世音微笑授金蓮華毗沙門捧蓋坐立侍況利生巧智佛法方便難思議也造出八塔倭讚遐邇都鄙貴賤上下乃至無間非法邪見放逸之闍隴幻童普令暗誦一代聖教構弥陀迎

接之相顯極樂莊嚴之儀世云集其場者緇素老少至放蕩邪見之輩皆流不覺之淚結往生之業五體投地種菩提因修頭陀行交人間時善神相副隨逐守護深夜獨坐思惟法門欲見要文忽於燈臺有自然火雖有如是等希有之事更復匿藏不語他人造經論章疏抄顯密教文小阿弥陀經疏對俱舍抄因明四相遠疏注釋同斷纂也其教雖多不遑注載天台宗佛法既此時誠盛乃至大唐皇帝降宣旨建立廟堂安置影像及往主要集授大師號蓋圓通大師聞恭敬禮拜本朝稱其住所及号瞻仰奉仕矣僧都受取重病其間極久雖然念

受取一作更被

佛讀經不退觀念行法不懈時有宿老僧夢云金色
沙門從空下向僧都與語僧都乍臥病席合掌合咲
向僧談語若是諸佛說法欵又或人夢示云僧都臥
蓮華上近邊生千万蓮華傍人問云是何蓮花天有
音告云此是妙音菩薩所現蓮華指西應行云定知
此所惱即生歿流轉業苦此生受盡也轉重輕受是
謂之欵決定應受故業今生償畢也金槍馬麥例可
知之乃至遷化已前兼兩三月所惱皆悉平愈無一
分苦痛起居輕利身安樂氣色作法如若壯時臨最
後時集院內名德學徒而告言今生面謁只此度計

月一
作日

也若法門中有疑難者論說可決其疑大眾或問
法文要義散心雲霧或借此界別離從眼流淚僧都
氣色恣恣似入滅近々大眾皆還畢留慶祐阿闍梨
密々示言年來之間以一乘善根事理功德迴向西
方願往極樂上品下生今有二天童而來下言我兜
率天弥勒菩薩使者也聖人偏持法華經深解一乘
理以是功德當生兜率是故我等為迎聖人今來此
處有教萬天可迎捕我等且尔告耳僧都語天童言
生兜率天奉見慈尊雖無極善根弟子頃羊浚有所
願捨身他世往生極樂面見弥陀聽聞妙法慈尊加

力送我極樂界當拜弥勒天童早還以此誓言當啟
慈尊云又近來頻觀音來現是故無疑必生極樂
慶祐阿闍梨聞已流淚隨喜僧都追春秋七十六以
寬仁元年六月十日寅時刻永遷化矣當於此時天
奏微妙音樂或人聞樂音從西方指東方來或輦聞
樂音從東方指西方往又香風頻吹奇妙香氣滿塞
虛空艸木枝葉似委衰形向西方頽低况涕淚嗚咽
聲滿於山林悲泣戀慕響遍院內焉

第八十四丹後國某甲不書

第八十五佛師感世法師

沙弥感世以造佛像為其所作而讀法華經每日必
讀一品一卷其中讀誦普門一品日々必誦三十三
卷又十八日持齋奉仕觀世音菩薩得造佛請往丹
波國桑田郡奉造金色觀世音菩薩其佛檀越雖作
佛像專非善人不善武者也施與佛師種々祿物令
京上時檀越作是念我欲此佛師取返所與物則於
大江山致塔佛師奪取祿物而還本所檀越為見所
造觀音往寺開戶奉見新佛金色觀音御肩被切割
從其痕中赤血流下滿地凝結檀越見了心生怖畏
悲泣歎息我已打切佛師肩既致害畢今此觀音同

御有被切是希有事尤可為恠即遣使者尋佛師存
不使者上京見佛師者平安在家無一分痕使者還
來此由告主檀越弥生怖畏懺悔即知觀音代於佛
師被切損我身助佛師命即往佛師家反與祿物種
種問訊佛師云我雖遇盜人身不蒙一分疵安穩還
家豈非觀音妙法威力哉佛師檀越見聞之輩皆發
道心奉仕觀音讀法華經應和二羊有此事矣

第八十六天王寺別當道命阿闍梨

道命阿闍梨傳言大納言道綱鄉第一男也天台座
主慈惠大僧正弟子矣幼少之時登比睿山修行佛

道於法華經一心讀持更無他事一年誦一卷八年
誦一部巡禮處々靈驗勝地薰修年尚矣就中其音
微妙幽美雖不加曲不致音韻任運出聲聞人頗耳
隨喜讚嘆卜法輪寺為練行處時々籠住教々勤行
有一老僧籠行其寺夢見堂庭及四隣邊上達却貴
人充塞無隙皆合掌恭敬向寺而住又從南方遙有
音皆人聞言金峰山藏王熊野權現住吉大明神為
聞法華來至此所皆悉來訖一心頂禮聞阿闍梨誦
法花經住吉明神向松尾明神而作是言日本國中
雖有巨多持法華人以此阿闍梨為第一聞此經

時離生々業苦善根增長仍從遠處每夜取參也松
尾明神言如是如是如有近處不論晝夜常來聽經
如是稱讚隨喜禮拜闍梨時老宿夢覺見者道命阿
闍梨在法輪禮堂一心高聲誦法華經第六卷老僧
從眼流淚起立禮拜又有二女惡靈忽付教日惱乱
惡靈顯云我是汝夫雖無欲惱心依身苦難堪自然
付惱耳我存生時只好眾惡欲生放逸取用佛物無
惡不造更無一毫善次後當墮阿鼻獄受諸無救大
苦惱而主人共誦法輪寺一夜侍寺道命阿闍梨誦
法花經我聞彼經其音貴妙一心隨喜依此善根滅

無間苦今受輕苦得地道形若又聞彼經必脫蛇身
得生善處汝當將我詣闍梨所令我聞經病即止了
云云女人尋闍梨不詣行令聞彼經靈又顯云善哉
善哉我又得聞闍梨誦經既脫蛇身當生天上云云
其後又無付惱如是等事更有其教乃至一期運盡
遷化他界爰有得意知音人意存生弊常作是念道
命阿闍梨不審生依妙法力得生淨土歎若知我
心可有夢告兩三年間常念此事時此人夢行大地
側四種蓮華盛開備池中有誦經音聞之道命闍梨
音聲也喜念從車下立池側見阿闍梨乘船誦經手

執經卷從蓮華池中来其讀經聲從存生時十陪極
貴語此人言我雖入佛法不調三業不持禁戒任意
作罪就中任天王寺別當自然犯用寺家佛物依如
此罪不得生於淨土境界雖然依法華經力不墮三
惡道住此蓮池誦法華經身心無苦運兩三年畢罪
苦已當得往生兜率天上箭芳弊于今不怠仍來告
耳言語畢乘船還去夢覺感淚無限矣

第八十七信誓阿闍梨

信誓阿闍梨安房守高階真人兼博第三男觀明律
師弟子矣幼少時入於佛法天性質直誦法華經年

來籠居丹後國船井郡棚波籠一心修行兼學真言
五智水淨三密玉明永斷世間名聞利養發菩提心
誦法華經有天童來合掌云我來聽法華遂果四弘
願當從其口出梅檀微妙香如是讚嘆聽法華經乃
至為孝父母出山還里隨父母命下向安房成勢滿
國衆人祇候其時內心發是念言我誦多法華尋其
功德甚深無量我若久住世間多造罪業輪迴生死
不如早死不造惡業即食附子毒也雖食附子而更
不死猶不損心地況及死門哉悔附子無驗更食和
多利毒也雖食和多利更不死是為希有定知妙法

威力顯然雖服毒藥而不作損經文刀杖不加毒不能害豈非此事乎乃至身心疲倦一夜休息不誦法華至旦時計夢有人驚曰信力清淨時臻早起誦讀經夢內見人是普賢菩薩副住我傍催驚早起夢覺運信力誦法華經如是奇夢其數巨多天下疫病起其時闍梨并及父母受病辛苦万死一生闍梨夢五色鬼神集會駭追令向冥途闍梨是法華經持者也免除不將去夢覺闍梨所惱平愈即見父母既入死門闍梨揮淚誦法華祈父母甦夢法華第六卷從空飛下其經副文其文注云孝子誦法華依祈父母故

延父母壽命此度所還是闍梨王消息也夢覺見父母逐一日一夜即得蘇息語冥途事闍梨一生所誦法華經教万部觀無量壽經小阿彌陀經大佛頂隨求千手等每日不闕不注其遍教現世加護如是難思後世菩提不可生疑矣長久四十年七十猶在世矣

第八十八持經者蓮昭法師

妙門蓮昭出家備持一乘行住坐臥更不懈怠道心甚皎慈悲廣大以衣施他不歎寒苦日食與人不懈飢渴多聚虱蚤施與身不遮蚊蟲不厭蝻蛭令食身肉沙門入於多蟲蝻山施我肉血時蝻多集噉身

肉間生入蝨子持經者身體痛苦其跡大脹受大苦
惱傍人告言是病早可治以灸遠燒以藥塗之蝨子
死已可得平愈持經者云更不可治若治此病者多
蝨可死只以此病當取命終何致蝨子耶偏忍苦痛
誦法華經夢有貴僧讚持經者貴哉聖人善哉沙門
慈悲室深憐愍有情忍辱衣厚修行一乘即以手摩
痕夢覺身無苦痛其痕忽壞開從中千萬蝨出飛登
空而去其病平愈身心安樂聖人發大菩提心誦讀
法華永期菩提矣

第八十九越中國海運法師

沙門海運越中國人志在法華讀習乃至發心暗誦
加行功積卽誦從序品至于觀音品二十五品早疾
諷誦任運無身唯於陀羅尼嚴王普賢三品不能誦
之雖運多年功不得暗誦後銘肝膽歎傷此事參向
立山白山及餘靈驗祈禱此事難行苦行斷食斷鹽
誦此三品總不得憶持則夢有一菩薩形人告海運
言汝於先生受蟋蟀身居僧房壁其房有僧誦法華
經蟋蟀聞經誦七卷一品畢為休息故寄付壁上蟋
蟀當頭被壓致畢依聞二十五品功德力故轉蟋蟀
身來生人界讀誦妙法不聞三品故不得誦陀羅尼

嚴王普賢品也汝觀前生信今生報一心精進可期
菩提沙門夢覺明知本緣修行佛道天德元年告入
滅矣

第九十加賀國尋寂法師

沙門攝圓比睿山住僧依有要事往北陰道到加賀
國夜宿入宅其家女主持有善心宿此沙門備膳進
食問其疲極到初夜時有家主來向是則沙門見宿
沙門歡喜無限家主僧雖在家而有道心過夜半已
而起沐浴清淨入持佛堂發願誦法花經一部已後
種々懺悔念佛廻向又晨朝語客僧言弟子尋寂頂

羊受持法花修習佛道難弃世路雖具妻子猶期菩
提厭離生死欣求菩提而當取滅殘日不幾暫住此
所可會入滅客僧依語止住此家々主僧同心修行
迨三七月修六時懺法誦法華經如說精進過三七
日家主語客僧言當知今夜往生極樂重沐浴已著
情淨衣手執香炉正念端坐誦法華經向西入滅殞
里人々夢見紫雲聳家音樂滿空尋寂聖人坐蓮華
臺身空而去沙門攝圓見希有事還於本山而說此
事康保年中矣

第九十一妙昭法師

比丘妙照信懷人法華持者二目盲失不見物色迷
入深山七月十五日到一山寺住僧見盲僧已生憐
愍心語盲僧云暫住此寺後日送里我有要事今出
里明日可還其間住此預小米了住持出行盲僧獨
住相待住僧爰當早來僧更不來乃至二月三月不
來盲僧獨住深山幽處不知方隅誦法華經逐過旬
月以手探求柔艸木葉以為活命至十一月雪高雨
積不得外出命在且暮即可餓死在於佛前誦法華
經夢有老僧語言勿歎我今加護比丘即與菓子夢
覺已後俄大風吹大樹倒覆盲僧怖畏一心念佛風

吹雷後出庭探梨柿木倒有梨柿其味如甘露食一
兩菓忽除飢渴氣力遍體更無食物明知三害加被
慈護諸天護法供養給取置柿梨以為日食以其木
枝為薪過寒冬至明年二月里人始登此山到來見
此盲僧生希有心盲僧說本緣問住持僧里人答曰
其住持僧去年七月十六日忽死盲僧聞之悲歎無
限盲僧與人俱始出里鄉矣一乘威力勝利顯然病
惱之人聞盲僧經除愈病患惡靈邪氣聞盲僧經皆
發道心永捨執著早損田畝盲僧誦經有自然水流
充豐饒乃至攝念受持兩目開見一切諸色矣

第九十二長圓法師

沙門長圓天台山僧筑紫之人矣少年入法家讀誦法華經兼又奉仕不動明王修行累德驗力顯然入葛木山經二七日新食誦經夢有八大金剛童子身著三胡五胡鈴杵釵等法具以為衣服皆悉合掌異口同音而讚嘆曰奉仕修行者猶如薄伽餽得上三摩地與諸菩薩俱如是讚已一心聞法華經云々乃至深水水塞不知淺深不可得渡歎住山岸上時有大牛從溪山出來渡此河往還數反破冰開道牛則隱失仍得渡河明知護法變牛來渡沙門也從熊野

山入於大峰參金峰山迷深山路不知前後一心誦妙法夢有一童子告云天諸童子以為給使勿得憂愁示其正路夢覺已得正路詣金峰山乃至通夜誦法華經至後夜時有一老人宿德奇異此即神人持以名簿授與沙門而作是語我是五臺山文殊眷屬名于圓王依誦法華功德甚被奉上名簿由是結緣冥護現世及當來世云々又參清水寺竟夜誦法華經有一貴女形貞端正瓔珞莊嚴合掌讚曰三昧寤螺聲遍至三千界一乘妙法音聽更無飽期如是奇異其數又多豈非妙法威神明王加護哉誰於此經

有生疑不信者長久年中去世矣

第九十三金峰山轉乘法師

沙門轉乘金峰山住僧大和國人矣天性剛急有恙憤心志繫佛法誦法華經既得誦六卷晝夜不退誦之於七八卷無暗誦志過迭年月迨於盛年忽發皆誦一部之心叮嚀誦之雖逐數月更不被誦一枚二枚況於一品一卷而得暗誦哉轉乘法師發勇猛志晝夜不怠於一句誦三萬遍而不利即參詣藏王大菩薩前二夏九旬奉獻六時關伽香燈每夜禮拜三千遍祈願令誦二卷妙經望安居終夢有龍冠

夜叉形人天衣瓔珞而嚴身手執金剛杵足踏華鬘眷屬圍繞語轉乘言依無宿因不誦二卷也汝於先世受毒蛇身其形長大三尋半也住憐摩國亦德耶山驛有一聖人宿其驛中毒蛇在棟上作是念我遇飢渴而久不食希有此人來於此驛今當吞食受聖人不知有蛇欲害聖人洗手傲口誦法華經其聲清淨聞消滅罪毒蛇聞經止毒害心閉目納毒氣一心聞經至第六卷夜至天曉不誦七八二卷聖人出去而其毒蛇者汝身是也止欲害心聞法華故轉於多劫輪迴番身今得人身作法華持者不聞二卷故今

生不得誦汝有毒念心是毒蛇習氣耳汝一心精進
讀誦法花經現前成就取勝悉地後世亦得出離生
死比丘夢覺發道心稱誦法華多聞天王隨其不
念令滿悉地嘉祥二羊圓寂焉

第九十四沙弥藥延

沙弥藥延美懷國人也時無動寺有一聖人頭容兼
習亦有道心有事緣故下向美乃宿路邊舍見其宅
主雖似法師作法非僧頭髮二寸著俗衣服田獵
捕食完敢為狼籍不善宛如具縛聖人見此心生怖
畏悔恨宿此焉此惡比丘夜半起已沐浴身體著清

以一作心

淨衣往後園中入持佛堂取初修行法華懺法次發
誓願誦法花經至于天曉一部誦訖乃至夜明及于
已時念佛觀行誠以不退對聖人言沙弥藥延依罪
業力雖行放生放逸破戒無慚偏生信力誦法華經
以其半月必生極樂聖人有緣來宿此舍必可結緣
云々聖人雖聞沙弥之語不生堅信讀誦法華經雖
是貴勤致鹿野鳥是彼重罪何得往生還無動寺經
教羊全忘藥延往生之事爰天布雲頻有樂聲從東
方吐紫雲遙聳西方紫雲垂布迤覆上人房空中有
聲沙弥藥延今日往生極樂世界先羊却言結緣不

日本法華經已下

六

忘今來奉告云云聖人驚駭流不覺淚禮拜讚嘆兼
平年中事矣

第九十五筑前入道乘蓮

筑前入道沙弥乘蓮伊與前司高階真人明順第一
男矣前一条院御時殿上藏人依式部勞任筑前守
其性柔爽心有道心從少羊時讀誦法華經持弥陀
大咒歸依佛法矣爰任限既臻歸著花洛剃除鬚髮
作佛弟子淨所住舍造立佛像請南北智者始長日
講每日取供養佛一鉢法華經一部阿弥陀經等也
講筵初後撰出込華貴文大衆異口同音頌之歌詠

如來讚嘆一乘五躰投地恭敬禮拜又講筵以後必
讀阿弥陀經念佛三昧如是作善餘八箇羊道三千
日道俗男女造次結緣華洛都鄙晝夜雲集植佛種
子或夢奇異相伏膺語傳或現投弥陀財感歎來供乃
至暮羊之時請取瘡病心神不亂取作不退耳聞長
日講口稱弥陀佛永歸黃泉矣乃至一周忌件勤修
講演況僧俗夢相稍有員或入道乘蓮船指西方行
去或踏華藥凌雲登天矣

第九十六輕咲持經者沙弥

青山城國有人與沙弥共打圍碁持經者來誦法花

經乞食時沙弥聞之輕咲誹謗即沙弥忽口喎失聲成不用人見聞人々大恐怖驚皆作是言誹謗輕咲持經者故現前感得如是罪報沙弥往醫師家塗藥加治遂不除愈口亦喎增聲復幽耄不能言語現報如此後世受苦不可勝計可見法華經譬喻品等出靈異記矣

第九十七阿武大夫入道沙弥修覺

長門國阿武大夫入道沙弥修覺在俗之間猛惡不善放生放逸無有善心勞德充滿國恣作惡業羊老受病欲臨死門集諸法師轉讀法華祈乞除病延命

之由遂及死門諸僧皆去有一持經者為後世拔苦向於死人誦法華經至第八卷是人命終為千佛授手令不恐怖不墮惡趣即往兜率天上弥勒菩薩所弥勒菩薩有卅二相大菩薩眾所共圍遶之文此死人甦起居合掌聞此文從眼出淚歡喜進僧令誦六七反謂聖人云我向真道惡鬼驅追將去誦此文時天童子來將還於我令向人界作是語已所惱除愈即發道心剃除頭髮出家入道其後牧羊持法華經一心讀之道心堅固永留善心作善為志乃至取後作種々善根請諸沙弥令讀法華我亦讀經一心念

日本法華會記下

佛成就正念而歸無常傍僧夢見威儀具足語諸僧
言我今依妙法力得生兜率天矣

第九十八比丘舍利

比丘尼舍利菩薩肥後國八代郡人矣母懷妊後勝
審二年十一月十五日寅將生一肉段見其形跡猶
如明月夫妻共念是非善事肉段入桶隱捨山谷過
七日已往至見之如卵破開有妙女子父母歡喜取
返養育万人聞之生希有心遂八月間俄身長大高
三尺五寸有自然智言詞巧妙七歲以前暗誦法花
經一部華嚴經一部心樂出家成尼著法末勤行佛

段一
作圖

道晝夜六時誦法華經其音甚貴聞者落淚面貌端
正見者寵愛形雖女而無女根終有尿道世間見者
皆生尊重号曰聖人當國國分寺僧并豐前國宇佐
大神宮寺僧兩人見此尼云汝是外道非佛弟子誹
謗惱乱時從空中降鬼神手不見形跡剗割兩僧頭
面鼻口其僧不幾死已竟其後肥前國佐賀郡大領
佐賀君設安居會請大安寺戒明法師講八十華嚴
經此尼日々聽聞講筵講師見尼罵詈誹謗何尼狼
交衆中廣座尼云佛有大慈悲涵平等教也為一切
衆生流布正法何故分別制止聞法抑就取說經有

日本法華驗記下

註

小分疑今須申上當明愚昧於華嚴偈問難講師無
答此義此座所有智德名僧驚愕各出難問試此居
一々能答敢無難者爾時諸人敬重禮拜聖人垂跡
非直人也号舍利菩薩道俗悉靡歸依恭敬隨其教
化多趣佛道矣

第九十九比丘尼釋妙

比丘尼釋妙睿相聖人母也其心潔白慈悲甚深細
守戒律不犯微塵以不淨手不取水瓶不著袈裟不
出佛前何況誤犯其餘衆罪哉出家以後向西方不
行大小便利頭東足西更不卧息讀誦法華稱念弥

陀日夜經營動止所作讀法華經三千餘部百万遍
念佛數百度也定途夢想木像佛未開口動舌言我
是弥陀為引攝汝常來守護既遷化時手取五色糸
一心念佛正曆三年端坐入滅矣

第一百比丘尼願西

比丘尼願西楞嚴院源信僧都姊也入佛法後讀誦
法華經而復解了經甚深理其心柔爽正直無偽全
護戒律縱怖罪根雖受女形當言信男讀法華經及
數万部積念佛功不知其量見奇異夢多尋來入山
鳥啄菓菰飛往獻之野狐持粢餅竊來志之何況人

倫何不歸哉知各結緣不逆其意不僞隱身食只支
命以其餘分普施孤露貧賤之類更無貪利普賢來
護觀音摩頂如是奇事時々常在臨終刹那眼見光
明耳聞妙法合掌禮佛息絕入滅寬弘羊中矣

第一百一宮內卿高階良臣真人

宮內卿從四位下高階真人良臣少歷進士舉以才
名自抽多歷諸司累宰六郡齒迨知命後歸佛法日
夜讀誦法華經念弥陀佛天元三年正月初得病素
所修念佛讀經不敢一廢先死三日其病忽平此間
剃首受五戒七月五日卒當斯時也家在香氣空有

月下一
有十字

音樂雖遇暑月歷數日身不爛壞如存生時矣

第一百二宮內卿源雅通

尤近中將源雅通石小辨入道第一男也心操正直
雖離諂諛被牽世塵多作惡業交春林逍遙被執狩
士間多致山蹄望秋野遊戲與鷹鶴處又害野翅盡
勤王忠迴治國術邪見放逸不求自致身施光華心
著米耀煩惱惡業不好自集雖作多罪有改悔勤而
自少日持法華經其中提婆品不生疑惑者不墮地
獄餓鬼畜生乃至蓮華化生之文為朝暮口實乃至
寂後病患之時齋誦提婆品入滅之遺言唱淨心信

日本去華檢記下

敬之文從是以外更無餘言入滅矣彼聖有師壇邦
臨初夜時下居佛前夢見五色之雲聳下隱中將寢
殿光明赫奕異香氣氳微妙音樂聞雲中五色之雲
指西方徐去音樂雨華漸々遠離夢覺思念定知中
將往生相也聖為知虛實深曉出行到來彼宅問存
不時今夜戌時入滅云云世間皆稱往生之由爰右
京權大夫藤原道雅不信此事生謗言中將一生致
生不善依何善根得往生哉若尔欲生極樂入當好
致生放逸邪見不善右京權大夫參詣六波羅值遇
講筵車前有兩三老尼一老尼流淚悲云身貧年老

不作善根徒過此生還至三途晝夜歎悲三審祈申
而昨夜夢有一宿德老僧告言汝更無歎只修念佛
直心決定往生極樂左近中將雅通只直内心持法
華故雖不作善根既得往生云々尼見此夢左近中
將往生極樂右京大夫聞老尼夢始生信心永除疑
惑矣

第百三右近中將藤原義孝

右近中將藤原義孝大政大臣贈正一位謙德公第
四子也淡歸佛法終新葷腥勤王之間誦法華經天
延二年秋病瘵瘡而卒矣命終之間誦方便品氣絕

之後異香滿室同府亞將藤原高遠同在禁省相友
善矣義孝率後不幾夢相伴宛如平生便詠一句詩
言符契蓬萊宮裏月今遊極樂界中風矣

第百四越中前司藤原仲遠

越中前司藤原仲遠天性所催心不好惡及於壯年
常作是念命如薤露身似秋葉消滅無疑如風中燈
去留不定似水上沫剝除頭際衣削跡溪山避色道
世護心戒律然妻妾在側忽然難捨子孫走遊憐愍
自生仍身存朝市雖隨王事心生厭離永歸佛法荒
一寸暇讀誦法華經觀須臾陰稱念弥陀佛手執經

卷乘車馬行口唱妙法趨於世路每日轉讀法華經
一部理趣分普賢十願尊勝陀羅尼隨求陀羅尼弥
陀大咒等更無間斷一生所讀法華經万部念佛不
知其數值遇法華講一千余座造佛寫經檀施等善
其數甚多取後臨終病患不乱心起居亦輕利口誦
妙法心信佛法奇香薰鼻妙音聞耳則與語言只今
當生兜率天合掌即世矣

第百五山城國相樂郡善根男

聖武天皇御代山城國相樂郡有善根人姓名未詳
為報父母四恩之德書寫法華經以百貫錢買白檀

紫檀細工雇居令造經箱見所造箱經長箱短不能
奉入見是箱短檀越悲歎為改造箱求他貴木不買
得念佗歎悲殊發信力囑請僧三七日間讀法華經
祈願當得貴木之由過二七日試取經卷奉入此箱
經頗雖不入箱長倍檀越喜奇勸進諸僧令作祈禱
滿三七日以經入箱無障入給人々見此奇念無限
若經卷縮若箱延長即以本經比量新古貳經齊等
又新故二經雙入一箱雖入新經不入故經當知大
乘不可思議壇越信力亦復甚深感應道交有此奇
事矣 出靈異記

第一百六伊賀國報恩善男

高橋連東人伊賀國山田郡漱代卿人矣家室大富
財壽豐稔為死悲母書寫法華供養恭敬請講師時
告請使云出宅行時寂初遇師為有緣師可修此善
時使者隨施主之命寂初值遇同郡里内乞食沙門
定途臂懸鉢袋乞食此法師醉酒而臥路邊使者禮
拜呼起將來檀越敬貴一日一夜隱居家中忽造法
服施與乞者時乞者言有何因緣勞養法師檀越語
云為母報恩明日供養妙法花經奉請聖人為有緣
師乞者驚言弟子愚癡不知法門只持般若心經陀

連一作原

羅尼乞食資命從是以外更無所知云何奉仕法會
講師檀越雖聞此事更不聽許乞者思念我竊逃去
願主氣知付入令守乞者夢見黃班牝牛語沙門言
我家主母此家有多牛其中黃班牛是我也先生時
竊盜子物是故今受牛身債報明日為我講說大乘
講師汝也是故未告欲知虛實講筵堂內為我敷座
我當來坐夢覺內心奇念臨於當日述不堪由更不
許之令登高座法用如例即表白言卑身甚愚更無
所知三毒證明即將去願主忽捕講師請順檀越志
罷登高座唯去夜夢語申施主說上件夢檀越大驚

為牛敷座家有黃班牝牛起立步來堂內此座跪伏
願主大啼位實是祖更我不知辱奉驅使我心愚頑
不知此事也今依經力講師威力始知此緣今日已
後更不奉驅殊加勞養奉肅恩德牛聞此事流淚悲
泣講筵畢時此牛則死集會大眾見之舉聲啼泣無
極其日講師是非凡夫諸佛分身說法教化甚貴倍
常施主後々勤修功德報父母恩引導菩提矣見靈異記
第百七大隅掾紀某
大隅掾紀其心離兼惡有隨分道心羊來受持法花
經每日讀誦若一部半部或一卷一品更無退轉又

日本法華驗記下

七

念觀音至十八日精進持齋依有事緣桓候陸摩守
下向彼國一任事畢歸京矣守為大隅掾有怨害心
過渡安藝周防之間往人跡不通鳴放捨大隅掾船
皆遙去其日十八日此人持齋執第八卷轉讀之間
無其用意永被放捨單已獨身妻子眷屬不意別離
候泣悲歎待死期其日已暮及于明日呻吟悲泣讀
第八卷遙見海上黑物泛來漸近見者是舩艦也其
疾如風未著此鳴舩人驚竒此鳴古今人不來所也
何人爭來大隅掾說事本緣舩人聞此事甚大悲歎
先以食物勸進飽滿舩人皆云我等頃年遙見此鳴

未曾來望去夜議定今朝俄來定知此人蒙佛冥助
不可死故我等競來是故我等是人送付聚落鄉里
即時送付周防國府大隅掾慮外得存命即是觀音
妙法威神力也即得上京弥生信力偏信妙法念持
觀音矣

第百八美作國採鐵男

美作國莫多郡有採鐵山帝姬阿倍天皇御代國司
召民十人令登此山入穴掘鐵時山穴口忽然崩塞
穴穴人驚恐競出九人僅出一人遲出山穴崩合國
司上下嘆冷此人妻子侘悲圖寫佛經奉修四十九

日本書紀下

月法事已竟此人數日蟄居山穴作是念言我於先
羊發申書寫法華經願而未果之際遭此難若免此
難身命存者必當書寫作祈念開穴口之際指刺計
開通日光僅未照有一小僧從隙入來饌膳令食即
相語云汝妻子修四十九日施與我食是故持未令
食汝也須臾且待可相助汝作是語已自隙出去其
後不久當蟄居頂穴口穿通遙見虛空廣三尺許高
五丈許時近隣人四十餘人為斫取葛入與山間往
此穴時穴底人見山人影叫喚扶我山人髣髴如聞
蚊音諸人恠石付葛落入底人引動明知有人即諸

葛造籠付葛繩落入底人乘居籠上人集引舉即將
送祖宅爰家人見此哀憐無限國司驚問具陳上事
即驚責悲國內唱知識始于經紙各々合力書法花
經修供養會決定當死人希有出不死事是法華經
大願威力隨喜讚嘆皆發道心書持讀誦妙法華經矣

第百九加賀國翁和尚

出靈異記

翁和尚加賀國人也身雖在俗作法似僧依之時人
稱翁和尚其心情淨遠離誦曲持法華經渴仰頂戴
若有食料隨身往至空閑靜處晝夜讀誦妙法花經
若食盡失又出里邊隨便讀經糧食出來又入靜所

如是受持讀誦法華歷教十年其身貧賤無一分蓄
一生隨身物只法華經一部耳不定往處往還山里
無衣食儲隨得常乏時翁和尚白法花曰永年之間
奉持法華是非為現世為後世菩提所念相叶當蒙
引攝可見其瑞作是念已讀法華經從我口中齒缺
落在經上驚見此者佛舍利一粒也生希有心禮拜
奉持異時讀經亦從口中舍利落出得兩三佛舍利
畢生大歡喜依法花力當得菩提前表瑞相耳乃至
取後臨往山寺寄宿樹下身無苦痛心離散亂寂靜
誦至壽量品每自作是念以何令衆生得入無上道

速成就佛身文一心起立禮拜即以入滅矣

第一百十肥後國官人某

肥後國有一人姓名未詳作其國官人恩勤公事朝
拂曉出暮入夜還送多羊月趨勤公私依急公事從
例候夜無從者獨出舍行館被鬼擾惱迷失本心不
辨方隅不行府廳不還本宅過大曠野超深山林終
日迷行臨日暮時到入舍邊其時有本心作思念我
有公事今朝念出有何由到不知世界即見東西深
廣野非是人里只有一舍此人往舍求夜宿時有端
嚴女形良美麗衣服微妙勸進此人疾入家內止息

安意此人思念深山野中有此好女京都府邊無見
如是女若是羅刹歟即生怖畏早疾乘馬打鞭馳去
即端嚴女變羅刹鬼追此人言汝欲遁去更不得去
我從今朝著汝將來今於我所自欲食你是語已追
著馬尻見羅刹形二眼赤色猶如大鏡四牙出口長
一丈餘身體高大氣色猛惡眼目鼻舌皆出滿煙馬
失足倒人落入穴羅刹取馬皆悉食噉不殘骨蹄悉
噉噉了羅刹向穴舉音申云此男上給時土穴中有
人告言汝羅刹女早可罷還以馬與汝是我顧汝何
更乞男哉自今以後不可發此語羅刹乞煩還去此

人歎念此穴中有勝羅刹鬼當知害我穴中有音其
音柔軟汝無怖畏當安其心為助汝故令汝到此旅
人問曰誰人御坐答曰我是非人間亦非鬼神等我
法華經取初妙字也昔有一聖此西峰上立率都波
籠法華經立誓願言願法華經住此曠野拔濟受苦
一切衆生爰積年月塔婆破損妙法華經隨風往散
他方世界妙之一字猶住此處利益衆生當知此處
羅刹惡鬼所集之處我住於此度諸衆生免羅刹難
計算其數七萬餘人矣至曉明有一童子從土穴出
將去此人經多時初日時分至我宅門童子語曰

汝發道心受持法華當免生死煩惱羅刹即往如來
淨妙國土由妙法力究生次願是人歡喜以頭著地
一心禮問童子昇空忽然不現其人還舍以如上事
語於父母妻子諸人即發道心深歸佛法書持讀誦
妙法華捨身他生得生極樂焉

第百十一伊與國越智益躬

伊與國越智郡有善根人越智益躬也為當郡大領
自少及老勤公不倦道心極深歸依佛法朝讀法華
必盡一部晝從國務專致忠節夜念弥陀以為恒事
未剃鬚髮早受菩薩十重禁戒法名稱定真法眼具足

臨終之時身離痛苦心不迷亂手結定印向西方界
念意念弥陀氣息入滅當於此時村里近邊空滿音
樂地遍奇香見聞觸知隨喜歎美莫不發道心矣

第百十二與州壬生良門

壬生良門生坂東地遊夷蠻境以弓箭等為翫好具
以諸駿馬即為羽翼夏天納涼臨漁浦涯秋風遊狩
交田獵野是土風所催天性令然焉有一聖人其名
空照智惠朗然道心堅牢即語良門云難到易去則
是人道易入難出三途故鄉與捨致生放逸早趣慈
悲忍辱投世間珍財營後生菩提良門依聖人勸進

改惡趣善根禁斷致生停止邪見勤修佛事以金泥
寫供妙法花經造立金色諸佛菩薩誓首恭敬道心
內薰善友外勸發大願云我今生內以金泥為墨書
寫供養千部法花經此發願已口斷葷腥心大精進
運所有蓄買求砂金勤修寫經逢教十年偏勤此願
供養時異瑞時々現矣或鮮白蓮花自然而散法會
之庭或衆細音樂遍滿堂內或天諸童子捧華而來
或奇妙鳥來和鳴或護世天人合掌敬禮如是奇
瑞或在夢中或有眼前千部願畢所念成就臨最後
時良門洗手嗽口告左右曰天女教千調和音樂從

空下我隨彼天昇兜率天言語已畢合掌安座而氣
絕焉

第百十三奧列鷹取男

陸奥國有一人姓名未詳畝獵漁捕取鷹為業常取
上鷹為活生謀雌鷹思念我常逐年造巢生卵成雛
人來奪取子孫既絕誰復繼胤今生卵不令知人作
是念已尋求人跡不通險處造巢生卵離前々巢飛
到峩峨石巖涯岸下臨大海青水浩々上臨虛空白
雲眇々其岸中央有小凹所造巢生子時鷹取男走
求無在取經多日求得鷹巢非人往處非力所堪見

掃字未審

已還家歎生活絕我常取鷹獻上國家以其價直死
年々貯今年既絕取鷹方術矣往傍人許語此巢事
傍人告言當相構取於彼崑上打立梯杙以數百餘
尋繩結付梯杙以繩末繫篙鷹取乘篙中令人執繩
漸々垂下遙到巢許鷹取從篙下居巢傍先取鷹子
結羽翼離入是篙中先舉鷹子上人引上篙取領鷹
子又不下篙弃捨而去往鷹取宅語妻子言汝夫乘
篙下巢許間繩斷遙落海中而死妻子悲泣親服歎
息鷹取居巢待篙欲登既篙不下經數日夜居狹凹
巖若動身軀可顛入海只待死期觀身罪報此男頂

年每月十八日持齋精進讀法華經第八卷矣鷹取
遇苦念觀音更無他念我年來聞取飛翔鷹足著絆
縛不取依如是罪現身感得如是重苦大悲觀音技
地獄苦引攝淨土有大毒蛇從海中出向崑登來欲
吞鷹取拔刀突立蛇頭蛇驚走登鷹取乘蛇自然至
岸上蛇隱不見即知觀音變蛇來助我一心禮拜嘆
未曾有矣往至我宅死去七日立物忌札閉門無人
開戶入居妻子揮淚喜還來事近隣遠近稱希有事
乃至例十八日沐浴持齋開箱見經々軸立刀蛇頭
突立刀也明知法華第八變蛇來救我孫生歡喜重

日本法華驗記下

卷八

發道心出家入道受持法花永新惡心焉

第百十四赤穗郡盜人多々寸九

播磨國赤穗郡有一類盜人奪取往還人物巡國盜人物時下一國同心追捕此盜人或當時斬頸切足或又下生送禁獄所有一盜人年才餘極力猛盛以繩繫縛以弓射之即箭走還更不立身兩三度射之箭不當身撰上兵射之惣箭還忒人大奇即問盜人有何所由盜童答云此箭當身更無痛事是觀音所助也我從少年持法華經第八卷又每月十八日精進昨日夜夢有僧告曰汝慎精進能讀妙法稱念觀

音我代汝身當受弓箭云云夢覺已後無暇遁今遇此苦定知如夢告觀音代我受此苦難也盜童述此語大舉音啼泣時人皆流淚感歎觀音大悲德行即免此童畢其國追捕使名多々寸九以為從者矣

第百十五周防國判官代某

周防國玖珂郡有一人姓名不詳某國判官代也從少年讀法華經奉仕觀音十八日持齋請僧讀法華經有一怨敵常伺求短欲害此人其郡有山寺名三井觀音瑞像靈驗顯然判官代參仕供養運多羊序判官代勤社公事從府還舍怨敵率數十兵待遇險

難途致此判官代段々切壞以數十箭射之以大刀切之以鉾串之切足折手剝目削鼻種々摧折破壞怨敵如意致判官代各々分散時判官代心中無一分苦身上無塵計疵起畢隨怨後平安未我家安穩而住國中遍聞判官代被害之由怨家之人往判官代家見聞案內夜部如塵摧破致人無一分疵執作世事怨聞此事生希有念判官代夢有一宿德賢聖告云我是三井觀音代汝身蒙多疵救汝急難欲知虛實當見三井觀音夢覺判官代往三井寺奉拜觀音始從頭上至足下無一分全處觀音御身有痕

手捨前削足重傍剝觀音眼削觀音鼻判官代流淚舉音悲恫感嘆遠近諸人集會見之補治觀音莊嚴供養英國中上下見判官代名金判官代當若干兵無一分疵故怨敵見此事惡心消滅發大道心於判官代生親昵想更無怨惡念矣

第一百十六筑前國優婆塞

筑前國有一優婆塞讀法花經誦普門品奉仕觀音彼有善心殊恐惡業香推明神御祭年預被差定畢雖離致生神事有限為設魚鳥完食出山林野外伺鳥求魚大池有冰鳥優婆塞以子射之下池取天此

男沈池水不見形衆人臨池探求此人更不求得父
母妻子悲泣懊惱戀慕此人爰又母夢此人舍咲語
云我於頃年有道心故不好惡業為勤神事故殆欲
行放生而善根內催三害外助不作罪業既遷化他
界離三途苦即得善身是故又母懷喜無歎欲知死
骸所在之處其死骸上可生蓮華以其蓮花當知死
尸所在之處存生讀誦法花大乘普門品故離輪迴
境得生淨刹如是語已歡喜而去夢覺已後見彼池
時有大蓮花一聚而生定知是人墮惡趣證菩提
故非時蓮花忽生此池世人聚集奇歎希有一切聖

人有道心輩皆來結緣於彼池邊修諸善根弥陀念
佛法華嚴法不斷修之迴向彼靈遍施法界種種佛道
因其池從昔更無蓮華然是死骸蓮花為種充滿池
內生大蓮華矣

第百十七女弟子藤原氏

女弟子藤原氏二度大貳陸家鄉北方姊矣其心有
慈愍信佛法晝夜讀誦妙法華經不知世路一生寡
婦不知夫婦禮身無所犯心無作罪數十年間一心
黃誦經夢見金色普賢所乘白馬開口唱云善女諦
聽依持法華常來守護後報在淨土云々如是夢想

有其教矣乃至最後雖有病惱讀法華經一心念佛
卽世焉入滅之夜妹夢裝束淨潔如天女形如尋常
時備食物勸進卽答云我今更不用此世界食其故
何者煩惱惡業所薰習食故我飲食在壽威德上王
佛國土所謂法喜禪悅食也如是語竟指東方界而
飛去矣

第百十八加賀前司兼隆朝臣第一女

女弟子藤原氏加賀前司兼隆第一女矣其心聰惠
無愚昧只讀法華經更不退闕薰修自運部數多積
慮外受病逢可辛苦卽身冷死已過一夜甦語冥途

事俄強力人四五人來卽馳追我遙過山野將去卽
到一大寺我入寺門此寺講堂金堂經藏鐘樓密塔
寶幢僧房門樓多造重周匝莊嚴甚深微妙天
冠天衣瓔珞莊嚴菩薩聖衆威儀具足者年宿德沙
門賢聖充滿往來我則思念若是極樂世界歎為當
兜率天上歟卽者宿沙門言善女人爭到此寺善女
人當來之世應往此處善女法華經部數未滿何生
此土年月猶遠此度早可還我見一堂積置數千部
經僧告言是法華經汝善女頂羊所讀經矣由此善
根當生此所受安穩樂我聞此語心生歡喜又見講

堂有金色大佛光明照耀以袈裟覆面以伽陵頻聲告我言善女因讀法華經我身示汝又令聞聲汝還本國能受持此經并開結經可奉加讀其後我更不隱面目令汝見我身我則釋迦佛云則天童二人相副送給天童諸共只今未已入我家內說此事已取惱除愈即同尋常倍生信力更發道心轉讀法華普所讀經皆悉讀加開結二經況甦已後添開結經全以轉讀法華大乘所有功德不可校量報在菩提焉

第一百十九弟子紀氏

女弟子紀氏左馬權助紀延昌朝臣第二女矣一生

寡婦只誦法華不望今生榮華美祿偏求後世見佛聞法年齡廿未及老羊頃日惱病不願病差專讀一乘乃至寂後誦方便品心生大歡喜自知當作佛文畢正念合掌入滅傍人夢身著天衣首戴寶冠瓔珞莊嚴身放光明上昇虛空往兜率天矣

第一百廿六日寺近邊老女

有一女人姓名未詳身貧羊老大日寺邊而寄居矣有兩男子為天台僧兄曰禪靜弟曰延叡其母受病經日惱亂即以入滅二僧一心堅固晝讀法華經夜念弥陀佛偏祈慈母往生極樂當此時大日寺住僧

廣道夢極樂貞觀兩寺之間聞音樂驚望其方有三
審車數十僧侶捧香爐圍繞之直到老女住宅老女
着天衣審冠瓔珞莊嚴其身乘審車欣往還便勅二
僧曰汝為母有懇志讀誦法華勤修念佛祈成佛
是以來迎也宝車指西方送去同夢之中有廣道聖
人往生之相廣道不歷幾年入滅此日音樂滿空道
俗頗耳隨喜讚歎發道心者多也

第一百廿一奈良京女某氏

奈良京有一女人姓名未詳稟性柔順形貌端正隨
夫婦禮產生數子過半齡致自發道心書寫法華經

一部為所持經讀習一部行住坐臥偏誦此經語默
造次只持妙法更不營世路蠶養織婦永弃其業裁
綴染色更忘其營飲食衣服家中所作乃至田畝農
業事悉皆不知但一心合掌念誦法華經其夫尋常
云經世路人無暇經營送過世間何人徒然不知自
身不知夫作法不知子有樣只執經卷有送羊月先
作世間要事以後其隙時々讀經仕佛是可例事如
是常途雖教道之更不聞入芥不知世事偏雇他人
令營家事如此忘萬事直讀誦經并餘半寂後時臻
數日惱病平愈畢沐浴身躰著新淨衣手執經卷向

夫語云數十餘年雖有夫妻契今日去此界趣行他
世界何不相送又語男女云我生有汝等多作罪業
摧多身分令成人何今單已移去他境一人不相副
羊來所持經力六万九千三百餘佛各放光明無量
菩薩各捧燈炬前後圍繞將去極樂如是語了即讀
經禮佛而入滅矣然其死屍雖經數日其氣極香如
沈檀等夫子眷屬遠近親疎皆發道心讀法華經矣

第百廿二筑前國盲女

筑前國有府官妻姓名未詳及於盛年忽二目盲全
不見物色流淚歎息此女思念依宿世報二目忽盲

兼恐
志歟

今生我身不中人用也不如兼後世即語一尼讀習
法華經通利一部晝夜誦經三四年間一心讀誦夢
有一僧告盲女曰汝依宿報二目既盲今發善心誦
法華經以經威力除眼闇障當得明眼即以手指摩
開兩目夢覺已後兩眼忽開見色分明女人流淚感
歎妙法威力夫子眷屬親族朋友乃至國內皆伏膺
云依法華力兩目忽開云々女於妙法生信力已
不退讀誦書寫供養妙法華經矣

第百廿三山城國久世郡女人

山城國久世郡有一女人從年七歲誦法華經觀音

品每月十八日持齋奉念觀音至十二歲讀法華經
一部渡有善心慈悲一切有人捕蟹持行此女問云
為充何料此蟹持行答曰為充食也女言此蟹與我
我家死魚多此蟹代與汝即得此蟹以憐愍心放入
河中其女人父翁耕作田畠有一毒蛇追蝦蟆來即
為濟之翁不意曰汝蛇當免蝦蟆若免捨者以汝為
蟹蛇聞此事舉頭見翁面吐捨蝦蟆而還走去翁後
時思念我作無益語此蛇見我捨蝦蟆去心生歎憂
還家不食愁歎形居妻及女云依何等事不食歎居
翁說本緣女言但早被食無歎息念翁依女語即用

食了臨初夜時有叩門人翁知此蛇來語女女言過
三日來可作約束翁開門見五位形人云依今朝語
所參來也翁云過三日可來坐蛇即還了此女以厚
板令造藏代極令堅固臨其日夕入居藏代閉門籠
畢至初夜時五位來開門入來見女籠藏代生忿恨
心現本蛇形圍卷藏代以尾叩之父母大驚怖至夜
半時蛇尾叩音不聞只聞蛇鳴音其後又不聞及明
朝見之大蟹為上首千萬蟹集螯致此蛇諸蟹皆還
去女顏色鮮白開門出來語父母云我通夜誦觀音
經一尺計觀音告言汝無怖畏當念玩蛇及蝮蝎氣

毒烟火燃等文我依妙法觀音威力得免此害此地
死骸穿埋此地為救蛇苦及多蟹罪苦其地建寺造
佛寫經供養恭敬其寺名蟹滿多寺在今不失時人
只云紙幡寺不稱本名矣

第百廿四越中國立山女人

有修行者其名不詳往詣靈驗所難行苦行往越中
立山彼山有地獄原遙廣山谷中有百千出湯從深
穴中涌出以崑覆穴出湯鹿強從巖邊涌出現依湯
力覆窟動搖契氣充塞不可近見其原與方有火柱
常燒爆燃此有大峰名帝釋獄是天帝釋冥官集會

勘定衆生善惡處矣其地獄原谷末有大瀧高數百
丈名勝妙瀧如張白布從管傳言日本國人造罪多
墮在立山地獄云々爰有一女人齡若盛未及二十
比丘見女心生怖畏若是鬼神羅刹女歟無人境界
深幽谷中是女出來作懼怖問女白僧言勿生怖畏
我非鬼神有可申事我是近江國蒲生郡人我父母
今在其郡我父佛師但用佛物我在生時以造佛物
充衣食故死墮此地獄受難忍苦沙門以此事傳我
父母為我書寫法華經供養解說當拔苦為告此事
我出來也沙門告云稱墮地獄受苦之由何故任心

出行往來女人答曰今日是十八日觀音御日也我
存生時欲奉仕觀音又欲讀觀音經雖作是念不果
其願僅十八日持齋一度然其持齋亦不如法欲念
仕觀音一度持齋善根力故觀音每月十八日來此
地獄一日一夜代我受苦我出地獄休息遊戲由是
因緣我來於此說是事也作是語已忽然不現僧生
希有心從立山出往近江國蒲生郡則尋求父母告
之父母聞之悲泣愁歎為女書寫妙法華經供養解
說發願廻向至心誓願拔地獄苦父母夢女子着微妙
衣合掌白言依法華力觀音護助出立山地獄生切

利天宮矣

第百廿五信乃國蛇蠱

信濃長官某一任事終即以上京途中有蛇長三尺
計守俱到來件蛇夜宿御衣櫃下晝立前後來人々
奇念事由申守或人白云可殺此蛇守即制止不令
殺蛇守發祈詞若信濃神歟若靈鬼宗歟付人宣說
夢中示現其夜守夢着班水干男跪居前言年來怨
敵男籠居衣櫃中為害被男日者副來若得彼男從
此罷還守夢覺畢則知蛇所告明朝見衣櫃之底有
老蠱怖畏形屈居人々申云此蠱放捨守有慈心若

捨此鼠為蛇所吞故不可放守為救蛇鼠忽於一日
內書寫法華經開講供養其夜夢中二男著於鮮白
妙衣形貞端正敬啓守言我等生々結怨敵心致害
今依貴善根免我等罪報可生切利天此廣大恩生
生世々可奉報盡作此言已二人昇天有妙音樂滿
虛空界夢覺明朝蛇鼠俱死矣

第百廿六越後國乙寺猿

越後國乙寺有持經者攝心不亂調身閑居讀誦法
華經更無餘念爰二猿來住前樹上終日聞經朝來
暮去二三月間每日不闕來聞此經恠思此事漸近

猿邊問曰汝猿何故常來若欲讀誦妙法華經猿向
沙門振頭不受若欲書寫經猿含笑喜合掌頂禮持
經者告言若欲書寫經我當為汝書寫法華猿聞此
語從眼淚出頂禮沙門下樹還去從其已後逢五六
日有數百猿悉皆負物來置沙門前見之紙料剝取
樸木皮各持來矣沙門見之生希有心以樸皮作經
紙畢選定吉日書寫始此經從書經日每日不闕二
猿各持薯蕷來臘秋冬時栗柿等種々菓子採持供
養至第五卷一兩日間二猿不來沙門恠念出寺近
邊巡見山林二猿傍置數本薯蕷土穴頭入二猿死

了沙門見畢流淚悲歎收其死屍讀經念佛訪彼苦
提沙門以其獼猴法華經不書寫畢刻佛前柱奉籠
置了其後已迨四十餘年紀躬高朝臣成其國判史
着府已後不勤神拜不始公事取初參向三嶋郡乙
寺守問住僧若此伽藍有不書畢妙法華經諸僧驚
求更不御坐件持經者年過八十老耄猶存白長官
言昔猿書始經御坐申長官大喜禮老僧云不審其
經何所御坐為果其願任此國守我管猿身依持經
者聞經發心依聖人勸書寫法華聖人存生時弟子
至此國是非小緣未曾有事唯願聖人書畢此經令

滿我願老僧聞守語流不覺淚悲歎無限取於件經
一心精進書寫既畢長官又書寫三部法華經供養
恭敬勤修善根不可卒數矣沙門法華經力得生淨
土寫經二猿因一乘力轉生成國守發道心修善後
生妙果宛如指掌焉

第百廿七未雀大路野干

有一善男從未雀大路漸々步行往迨日暮時遇一
女人其女面白端嚴衣服美肅言音優美聞銘肝膽
見增歡悅依空閑地共居談語男子告女言宿世相
催今日遇君共欲交通女人語此人此事非難雖可

隨君情若與我交通君命當損死是故不受也男曰
予不思臨死只望交臥耳女云吁莫生此念君帶官
位家有妻子命一生財媼利那樂依假借戲失永年
命男曰我雖知此理迷君容粧夫婦之愛天然至性
也猶垂哀憐當順我情女曰懇切芳言誠以難遁我
代君死全保君命為救我苦應書寫供養妙法華經
男大喜悅捨我財盡可報君恩即以交通終夜結契
至於天曉各以相別男曰君語代我死虛實難知我
還來家當圖寫佛經女言欲知死時以明朝見武德
殿邊乞取男扇以此扇可為指南各揮淚別去男至

明且往武德殿巡檢之時殿裏有一野干以扇覆面
以灰去男明見之每至七日寫一部法華供養演說
未及七々日夢此女來天女莊嚴備具身上及百千
天女圍遶語男言依一乘威力拔劫々苦今往切利
天此恩無量世々酬報即昇天上樂音滿空香氣留
空矣

第百廿八紀伊國美奈倍道祖神
沙門道公天王寺僧也法華積功年序尚矣常詣熊
野勤安居從熊野出還本寺間宿住三奈倍卿海邊
大樹下至夜半程有乘騎人二三十騎至此樹邊有

一人言樹下翁侍歟樹下答曰翁侍又曰早罷出御
共可侍翁曰駮足折損不能乘用明日加治若求他
馬可參御共年齡老衰不能行步云騎乘之類各々
分散至明旦沙門恠念巡見樹下有道祖神像朽故
逢多羊歲雖有男形無有女形前有板繪馬前足破
損沙門見了繪馬足損以糸綴補置本所畢沙門為
知事緣過其日已其夜宿樹下至於夜半如先數騎
來翁乘馬出行臨天曉時翁還來即語持經者此數
十騎乘行疫神也我道祖神也巡國內時必翁為前
使若不共奉以笞打逼以詞罵置依於上人療治馬

足勤此公事此恩難可報於持經者有種々恩願所
謂以淨妙衣服種々飲食而施與之依煩不記道祖
神則語沙門云今欲捨此下劣神形得上品功德之
身此身受苦無量無邊依聖人力欲成此事沙門答
曰我於此事力所不及道神云住此樹下三日三夜
誦法華經依經威力轉我苦身受淨妙身沙門依道
祖神語三日三夜一心讀誦妙法華經至第四日道
祖神以頭面禮持經者言依聖人慈悲今免此卑賤
受苦身獲得勝妙淨功德身所謂往生補陀落世界
為觀音眷屬昇菩薩位是妙法聽聞威神力也欲知

虛實以艸木枝造柴船乘我木像放浮海上當見其作法沙門造柴船已乘道祖神像放浮海上更風不吹又浪不動柴船指南方界早速走去又其鄉故老夢此樹林道祖神成菩薩形身色金色放光照耀伎樂歌詠指南方界遙飛昇去持經沙門信受是語還來本寺傳語此事聞者隨喜皆發道心矣

第百廿九紀伊國牟婁郡惡女

有二沙門一人羊若其形端正一人羊老共詣熊野至牟婁郡宿路邊宅其宅主寡婦出兩三女從者宿居二僧致志勞養妾家女夜半至若僧邊覆衣並語

僧言我家從替不宿他人今夜借宿非無所由從見始時有交臥之志仍所令宿也為遂其本意所進來也僧大驚恠起居語女言日來精進出立遙途參向權現臺前如何有此惡事哉更不彙引女大恨怨通夜抱僧擾亂戲咲僧以種々詞語誘參詣熊野只兩三日獻燈明御幣還向之次可隨君情作約束了僅道此事參詣熊野女人念僧還向日時致種々儲相待僧不來過行女待煩僧出路邊尋見往還人有從熊野出僧女問僧曰着其色衣若老二僧來否僧云其二僧早還向既經兩三日女聞此事打手大瞋還

家入隔舍籠居無音即成五尋大毒蛇身追此僧行
時人見此蛇生大怖畏告二僧言有希有事五尋計
大蛇過山野走來二僧聞了定知此女成蛇追我即
早馳去到道成寺事由啓寺中欲遁蛇害諸僧集會
議計此事取大鐘件僧籠居鐘內令閉堂門時大蛇
追來道成寺圍堂一兩度則到有僧戶以尾叩扉數
百遍叩破扉戶蛇入堂內圍卷大鐘以尾叩龍頭兩
三時計諸僧驚恠開四面戶集見之恐歎毒蛇從兩
眼出血淚出堂舉頭動舌指本方走去諸僧見大鐘
為蛇毒所燒炎火熾燃敢不可近即汲水浸大鐘冷


炎熱見僧皆悉燒盡骸骨不殘纔有灰塵矣經數日
之時一臈老僧夢前大蛇直來白老僧言我是籠居
鐘中僧也遂為惡女被領成其夫感弊惡身今思拔
苦我力不及我存生時雖持妙法薰修年淺未及勝
利決定業所牽遇此惡緣今蒙聖人恩欲離此苦殊
發無緣大慈悲心清淨書寫法華經如來壽量品為
我等二蛇拔苦非妙法力爭得拔苦哉就中為彼惡
女拔苦當修此善蛇宣此語即以還去聖人夢覺即
發道心觀生死苦手自書寫如來壽量品捨木鉢蓄
設施僧之營屬請僧侶修一日無差大會為二蛇拔

苦供養既了其夜聖人夢一僧一女面只含喜氣色
安穩來道成寺一心頂禮三害及老僧白言依清淨
善我等二人遠離邪道趣向善趣女生初利天僧昇
兜率天作是語了各々相分向虛空而去

聞法華經是人難 書寫讀誦解說難

敬禮如是難遇衆 見聞讚誦齊成佛

大日本國法華經驗記下




刻法華經驗記跋
夫法華經如來一代諸經之
王功德甚大不可思議自古
受持之盛莫若是經其獲靈驗
不可勝數余嘗覽杖桑畧記本
邦在古撰驗記者有藥恒鎮源

二師並不行于世學者甚恨焉
 余訪所識蓋多年矣比得鎮源
 所撰不堪歡喜欲與衆共輒加
 校正授剞劂氏嗚呼此書成於
 長久中至今凡六百餘載再顯
 于世可謂時矣好古之人繼得



藥恒所撰與此並行則連璧相
 輝永照巨夜云
 享保元年丙申仲秋日多武峯
 蓮光院沙門光榮謹書



享保丁酉年夏月

藥師院藏書
京師六角通御幸町西^江入町
書林茨城多左衛門板行



